

10. *MINUARTIA montana* floribus confertis lateralibus alternis bractea brevioribus.

Habitat in collibus altis Madriti imminentibus saltum vulgo Soto Lazon ad horum latera in arena humosa.

Radix parva, tenerissima, annua, fibrosa, simplex, terræ arctius adherens.

Caulis solitarius, simplex, uncialis vel minor, articulatus, glaber.

Folia opposita, erecta, setacea, basi latiora, striata, acuta, rigida.

Flores sessiles ex alternis alis per caulis longitudinem, plures, conferti sæpius terni, rarius solitarii.

Bractee sunt folia opposita, floribus sessilibus subjecta, calyce longiora, subulata.

CAL. Perianthium pentaphyllum, erectum; foliolis subulatis, duobus vel tribus exterioribus leviter longioribus, apice setaceis, rigidis, persistentibus.

COR. nulla.

STAM. Filamenta tria, plano-subulata. *Anthera*

PIST. Germen 3-gonum, rectum, obtusum. *Styli* tres, parvi. . . .

PER. Capsula triquetro-columnaris, calyce minor, unilocularis, ad basin trivalvis.

SEM. nonnulla 3-7, subrotunda, compressa, parva.

Quam primum medio mensis Octobr. illam videram, floris descriptio quadatenus manca est.

11. *MINUARTIA campestris* floribus confertis terminalibus alternis bractea brevioribus.

Habitat in planitie collium prædictorum.

Radix renuissima, simplicissima, fibrillam referens, subtorta.

Caulis simplicissimus, brevissimus, medii unguis, (cum floribus vix unquam uncialis mihi visus) teres, foliis tectus.

Folia opposita, plano-subulata, angustissima, 7 striata, striata, cauli adpressa, oppositionibus crebris, copiosa: superiora basi magis patefcunt.

Flores